

কুয়ালালামপুরে যাত্রা শুরু ইউএস-বাংলার

- A Monitor Desk Report

Date: 26 April, 2024



ঢাকা: প্রথমবারের মতো ঢাকা থেকে কুয়ালালামপুরের উদ্দেশ্যে যাত্রা শুরু করেছে ইউএস-বাংলা এয়ারলাইন্সের নতুন এয়ারবাস ৩৩০-৩০০।

বৃহস্পতিবার (২৫ এপ্রিল) বেলা ১১টা ২৫ মিনিটে ৪২২ জন যাত্রী নিয়ে ঢাকার হযরত শাহজালাল আন্তর্জাতিক বিমানবন্দর থেকে কুয়ালালামপুরের উদ্দেশ্যে উড়াল দেয় এয়ারবাসটি। এরপর স্থানীয় সময় রাত ৮টা ১৫ মিনিটে কুয়ালালামপুর থেকে ৪০৯ জন যাত্রী নিয়ে ঢাকার উদ্দেশ্যে ছেড়ে আসে এয়ারবাসটি।

এক সংবাদ বিজ্ঞপ্তিতে বিষয়টি জানিয়েছেন ইউএস-বাংলা এয়ারলাইন্সের মহাব্যবস্থাপক (জনসংযোগ) মো. কামরুল ইসলাম।

ইউএস-বাংলার বহরে দুইটি এয়ারবাসসহ মোট ২৪টি এয়ারক্রাফট রয়েছে, যা ইউএস-বাংলা এয়ারলাইন্সের এগিয়ে যাওয়ার সূচককে নির্দেশ করে।

এয়ারবাস দিয়ে ঢাকা থেকে মধ্যপ্রাচ্যের অন্যতম গন্তব্য দুবাই রুটেও ফ্লাইট পরিচালিত হবে একই দিন বৃহস্পতিবার (২৫ এপ্রিল)। এখন থেকে প্রতিদিন সকাল ১০টা ৫০ মিনিটে ঢাকা থেকে কুয়ালালামপুর ও রাত ৯টা ৫০ মিনিটে ঢাকা থেকে দুবাই রুটে এয়ারবাস ৩৩০-৩০০ দিয়ে ফ্লাইট পরিচালিত হবে।

বর্তমানে আন্তর্জাতিক রুট কুয়ালালামপুর ও দুবাই ছাড়াও শারজাহ, আবুধাবি, দোহা, মাস্কাট, সিঙ্গাপুর, ব্যাংকক, মালে, গুয়াংজু, চেন্নাই ও কলকাতা রুটে ফ্লাইট পরিচালনা করছে ইউএস-বাংলা এয়ারলাইন্স।

-B

